

漢書門		八	九	三	七
一	六	八	七	四	一
冊	架	函	號	類	

漢書		八	九	三	七
一	六	八	七	四	一
冊	架	函	號	類	

內閣文庫		
番號	漢	8937
冊數	4 (3)	
函號	287	85

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



晏子春秋

晏子春秋內篇襍上第五 九三十一章

莊公不悅晏子晏子坐地訟而歸第一

莊公不用晏子致邑而退後有崔氏之難

第二


崔慶劫齊將軍大夫盟晏子不與第三

晏子再治阿而信見景公任以國政第四

景公惡故人晏子退國亂復召晏子第五

齊饑晏子因路之役召振民第六

景公欲墮東門之堤晏子謂不可變古策



晏子春秋卷五

七

景公憐饑者晏子稱治國之本曰長其意

第八

景公探雀鷩鷩弱反之晏子稱長幼曰賀

第九

景公睹乞兒於塗晏子諷公使養第十

景公慙則跪之辱不朝晏子稱直諸賞之

第十一

景公夜從晏子飲晏子稱不敢與第十二

景公使進食與表晏子對曰社稷臣第十

三

晏子飲景公正家老斂欲與民共樂第十

四

晏子飲景公酒呼具火晏子稱詩以辭第

十五

晉欲攻齊使人往觀晏子曰禮侍而折其

謀第十六

景公問東門無澤年穀而對以冰晏子請

罷伐魯第十七

景公使晏子子魯地而魯使不盡受第十

八

景公游紀得金 中書晏子因以諷之第

十九

景公賢魯昭公去國而自悔晏子謂無及

已第二十

晏子使魯布事已仲尼以為知禮第二十

一

晏子之魯進食有豚亡二肩不求其人第

二十二

曾子將行晏子送之而贈以善言第二十

三

晏子之晉睹齊累越石父解左驂贖之典

歸第二十四

晏子之御感妻言而自抑捐晏子薦以為

大夫第二十五

泯子午見晏子恨不盡其意第二十晏子

六

晏子乞北郭騷米以養母騷殺身曰明道
晏子之賢第二十七

景公欲見高紕晏子辭以祿任之臣第二
十八

高紕治晏子家不得其俗乃逐人第二
十九

晏子居喪遊會家老仲尼善之第三十

新案此六字無下同

莊公不悅晏子晏子坐地訟公而歸第一

晏子臣於莊公公不悅飲酒令召晏子晏子至
入門公令樂人奏歌曰已哉已哉寡人不能說
也爾何來為晏子入坐樂人三奏然後知其謂
已也遂起北面坐地公曰夫子從席曷為坐地
晏子對曰嬰聞訟失坐地今嬰將與君訟敢毋
坐地乎嬰聞之衆而無義彊而無禮好勇而惡
賢者禍必及其身若公者之謂矣且嬰言不用
願請身去遂趨而歸管籥其家者納之公財在

外者斤之市曰君子有力於民則進爵祿不辭
貴富無力乎民而旅食不惡貧賤遂徙行而東
耕於海濱居數年果有崔杼之難

此字補本莊公不用晏子致邑而退後有崔氏之禍第

二

晏子為莊公臣言大用每朝賜爵益邑餼而不
用每朝致邑典爵爵邑盡退朝而乘噴然而歎
終而笑其僕曰何歎笑相從數也晏子曰吾嘆
也哀吾君不免於難吾笑也喜吾自得也吾亦

無死矣崔杼果弑莊公晏子立崔杼之門從者
曰死乎晏子曰獨吾君也乎哉吾死也曰行乎
曰獨吾罪也乎哉吾亡也曰歸乎曰吾君死安
歸君民者豈以陵民社稷是主臣君者豈為其
口實社稷是養故君為社稷死則死之為社稷
亡則亡之若君為己死而為己亡非其私暱孰
能任之且人有君而弑之吾為得死之而為得
亡之將庸何歸門啓而入崔子曰子何不死子
何不死晏子曰禍始吾不在也禍終吾不知也

新查增刻當作增與
地信

吾何為死且吾聞之臣亡為行者不足以存君
以死為義者不足臣立功嬰豈其婢子也哉其
縊而從之也遂祖免坐枕君尸而哭興三踊而
出人謂崔子必殺之崔子曰民之望也合之得
民

崔慶劫齊將軍大夫盟晏子不與第主

崔杼既弒莊公而立景公杼與慶封相之劫諸
將軍大夫及顯士廢人於大宮之坎上令無得
不盟者為壇三仞培其下以甲千列環其內外

盟者皆脫劍而入維晏子不肖崔杼許之有敢
不盟者執拘其頸劍承其心令自盟曰不與崔
慶而與公室者受其不祥言不疾指不至血者
死所殺七人次及晏子晏子奉栝血仰天嘆曰
嗚乎崔子為無道而弒其君不與公室而與崔
慶者受此不祥俛而飲血崔杼謂晏子曰子變
子言則齊國吾與子共之子不變子言孰既存
脰劍既在心維子圖之也晏子曰劫吾臣刃而
失其志非勇也回吾臣利而倍其君非義也崔

晏子春秋卷五

子子獨不為天討乎詩云莫莫葛藟施於條枚
愷悌君子求福不回今嬰且可以回而求福乎
曲刃鉤之直兵推之嬰不革矣崔杼將殺之或
曰不可子以子之君無道而殺之今其臣有道
之士也又從而殺之不可以為教矣崔子遂合
之晏子曰若大夫為大不仁而為小仁焉有中
乎趨出授綏而乘其僕將馳晏子撫其手曰徐
之疾不必生徐不必死鹿生於野命縣于厨晏
命有繫矣按之成節而後去詩云彼己之子舍

嬰新

命不渝晏子之謂也

晏子再治阿而信見景公任以國政第四

景公使晏子為東阿宰三年毀聞於國景公不
說召而免之晏子謝曰嬰知嬰之過矣請復治
阿三年而譽必聞於國景公不忍復使治阿三
年而譽聞於國景公說召而賞之景公問其故
對曰昔者嬰之治阿也築蹊徑急門閭之政而
淫民惡之舉儉力孝弟罰偷竊而惰民惡之決
獄不避貴強惡之左右所求法則子非瀆則否

晏子春秋卷五

而左右惡之事貴人體不過禮而貴人惡之是
臣三邪毀乎外二讒毀于內三年而毀聞乎君
也今臣謹更之不築蹊徑而緩門閭之政而淫
民說不舉儉力孝弟不罰偷竊而惰民說決獄
阿貴強而貴彊說左右所求言諾而左右說事
貴人體過禮而貴人說是三邪譽乎外二讒譽
乎內三年而譽聞于君也昔者嬰之所以當誅
者宜賞今所臣當賞者宜誅是故不敢受景公
知晏子賢迺任以國政三年而齊大興

景公惡故人晏子退國亂復召晏子第五

景公與晏子立于曲潢之上晏子稱曰衣莫若
新人莫若故公曰衣之新也信善矣人之故相
知情晏子歸負載使人辭于公曰嬰故老耄無
能也請毋服壯者之事公自治國身弱於高國
百姓大亂公恐復召晏子諸侯忌其威而高國
服其政田疇墾辟蠶桑豢牧之處不足絲蠶於
燕牧馬于魯共貢入朝墨子聞之曰晏子知道
景公知窮矣

齊饑晏子因路寢之役召振民第六

景公之持饑時晏子請為民發粟公不許當為路寢之臺晏子令吏重其賃遠其地北徐其日而不趨三年臺成而民振故上悅乎游民足乎食君子曰政則晏子欲發粟與民而已若使不可得則依物而禍於政

景公欲墮東門之堤晏子謂不可變古第七
景公登東門防民單服然後上公曰此大傷乎馬蹄矣夫何不下六尺哉晏子對曰昔者吾先

君桓公明君也而管仲賢相也夫以賢相佐明君而東門防全也古者不為殆有為也蚤歲溜水至入廣門即下六尺耳鄉者防下六尺則無齊矣夫古之重變古常此之謂也

景公憐饑者晏子稱治國之本石長其意第

八

景公遊於壽宮睹長年負薪者而有饑色公悲之喟然歎曰令吏養之晏子曰臣聞之樂賢而哀不肖守國之本也今愛老而恩無所不逮君

治國之本也。公笑有喜色。晏子曰：「聖王見賢以樂賢，見不肖以哀不肖。今請求老弱之不養，鰥寡之無室者，諭而共秩焉。」公曰：「諾。」于是老弱有養，鰥寡有室。論新

景公探雀黻，黻弱反之。晏子稱長幼已賀，第

九

景公探雀黻，黻弱反之。晏子聞之，不待時而入。見景公，公汗出惕然。晏子曰：「君何為者也？」公曰：「吾探雀黻，黻弱故反之。」晏子逡巡北面再拜而

賀曰：「吾君有聖王之道矣。」公曰：「寡人探雀黻，黻弱故反之，其當聖人之道者何也？」晏子對曰：「君探雀黻，黻弱反之，是長幼也。吾君仁愛，曾禽獸之加焉，而况于人乎？此聖王之道也。」

景公賭嬰兒，乞兒於途。晏子諷公使養，第十

景公賭嬰兒，有乞於塗者。公曰：「是無歸夫。」晏子對曰：「君存何為無歸？使吏養可立而以聞。」

景公慙，則跪之，辱不朝。晏子稱直請賞之，第

十一

景公正畫初不士高盡被髮乘六馬御婦人。召出正閨，則跪擊其馬，而反之。曰：爾非吾君也。公慙而不朝。晏子睹裔，歎而問曰：君何故不朝？對曰：昔者君正，盡被髮乘六馬御婦人。召出正閨，則跪擊其馬，而反之。曰：爾非吾君也。公慙而出，反不果。是以不朝。晏子入，見景公曰：昔者寡人有罪，被髮乘六馬，召出正閨，則跪擊馬而反之。曰：爾非吾君也。寡人，召天子大夫之賜，得率百姓以守宗廟，今見戮於則跪，以辱社稷，吾猶可以齊于諸使乎。

晏子對曰：君勿惡焉。臣聞下無直辭，上有隱君，民多諱。曰：君有驕行，古者明君在上，下多直辭。君上好善，民無諱言。今君有失行，則跪直辭，禁之，是君之福也。故臣來慶，請賞之以明君之好善。禮之，召明君之受諫。公笑曰：可乎？晏子曰：可。於是令則跪倍資，無征。時朝無事也。

景公夜從，晏子飲。晏子稱不敢，與第十二。景公飲酒，夜移于晏子前。駟歎，門曰：君至，晏子被玄端，立于門。曰：諸侯得微有故乎？國家得微

有事乎君何為升時而夜辱公曰酒醴之味金石之聲願與夫子樂之晏子對曰夫布薦席陳簠簋者有人臣不敢與焉公曰移于司馬穰苴之家前驅欵門曰君至穰苴介曹操戟立于門曰諸侯得微有兵乎大臣得微有叛者乎君何為非時而夜辱公曰酒醴之味金石之聲願與將軍樂之穰苴對曰夫布薦席陳簠簋者有人臣不敢與焉公曰移於梁丘據之家前驅欵門曰君至梁丘據左操瑟右挈箏行歌而去公曰

樂哉今夕吾飲也微彼二子者何以治吾國微此一臣者何以樂吾身君子曰聖賢之君皆有益友無偷樂之臣景公弗能及故兩用之僅得不亡

景公使進食與裘晏子對以社稷臣第十三
晏子侍于景公朝寒公曰請進暖食晏子對曰
嬰非君奉餽之臣也敢辭公曰請進服裘對曰
嬰非君茵席之臣也敢辭公曰然夫子之於寡
人何為者也對曰嬰社稷之臣也公曰何謂社

稷之臣對曰夫社稷之臣能立社稷別上下之義使當其理制有官之序使得其宜作為辭令可分布于四方自是後君不以禮不見晏子之晏子飲景公止家老欽欲典民共樂第十四于坻晏子曰止夫樂者上下同之故天子典天下諸侯典境內匹夫以下各典其僚無有獨樂今上樂下傷其費是獨樂音也不可

晏子飲景公酒公呼其火晏子稱詩呂辭第

十五

晏子飲景公酒日暮公呼具火晏子辭曰詩云側弁之俄言失真也屢舞僂僂言失容也既醉以酒既飽以德既醉而出竝受其福賓主之禮也醉而不出是謂伐德賓之罪也嬰已卜其日未卜其夜公曰善奉酒祭之再拜而出曰豈過我哉吾託國于晏子也以其家貨養寡人不欲其淫侈也而况典寡人謀國乎

晉欲攻齊使人往觀晏子呂禮侍而折其謀

第十六

晉平公欲伐齊使范昭往觀焉景公觴之飲酒
酺再擊范昭曰請君之棄罇更之罇解具矣范昭佯
醉不悅而起舞謂太師曰能為我調成周之樂
乎吾為子舞之太師曰冥臣不習范昭趨而出
景公謂晏子曰晉大國也使人來將觀吾政今
子怒大國之使者將奈何晏子曰夫范昭之為
人也非陋而不知禮也且欲試吾君臣故絕之
也景公為太師白子子曰何臣不為容調成周之樂

乎太師對曰夫成周之樂天子之樂也調之必
人主舞之今范昭人臣欲舞天子之樂臣故不
為也范昭歸以報平公曰齊未可伐也臣欲試
其君而晏子識之臣欲犯其禮而太師知之仲
尼聞夫音葉不出於尊俎之間而知千里之外其晏
子之謂也可謂折衝矣而太師其典焉

景公問東門無澤年穀而對以冰晏子請罷

伐魯第十七

景公伐魯傳許得東門無澤公問焉魯之年穀

何如對陰水厥陽水厚五寸不知臣告晏子晏
子對曰君子也問年穀而對以水禮也陰水厥
陽水厚五寸者寒溫節則刑政平平則上下節
和和則年穀熟年充衆和而伐之臣恐罷民弊
兵不成君之意請禮魯臣息吾怨遣其執以明
吾惠公曰善廼不魯

景公使晏子予魯地而魯使不盡受第十八
景公予魯君地山陰數百社使晏子致之魯使
子叔昭伯受地不盡受也晏子曰寡君獻地忠

廉也曷為不盡受子叔昭伯曰臣受命於君曰
諸侯相見交讓爭處其卑禮之文也交委多爭
受少行之實也禮成文于前行成章於後交之
所以長久也且吾聞君子不盡人之歡不竭人
之忠吾是以不盡受也晏子歸報公公喜笑曰
魯君猶若是乎晏子曰臣聞大國貪于名小國
貪于實此諸侯之公患也今魯處卑而不貪乎
尊辭實而不貪乎多行廉不為苟得道義不為
苟合不盡人之歡不竭人之忠以全其交君之

道義殊于世俗國免於公患公曰寡人說魯君
故予之地今行果若此吾將使人賀之晏子曰
不君君驩予之地而賀其辭則交不親而地不
為真矣公曰善於是重魯之幣母比諸侯厚其
禮母比賓客君子於魯而後明行廉辭地之可
為重名也

景公遊紀得金 中書晏子因以諷之第十

九

公遊於紀得金乃發其視之中有月書曰食魚

初本云金疑金字月
疑舟字 苦當作

無反勿乘駑馬公曰善哉知苦言食魚無反則
惡其鯨也勿乘駑馬惡其取道不遠也晏子對
曰不然食魚無反母盡民力乎勿乘駑馬則無
置不肖於側乎公曰紀有書何以亡也晏子對
曰有以亡也嬰聞之君子有道懸之間紀有此
言法之其不亡何待乎

景公賢魯昭公去國而自悔晏子謂無及已

第二十

魯昭公棄國走齊齊公問焉曰君何年之少而

棄國之蚤奚道至於此乎昭公對曰吾少之時
人多愛我者吾體不能親人多諫我者吾志不
能用是則內無拂而外無輔輔拂無一人諂諛
我者甚衆譬之猶秋蓬也孤其根而美枝葉秋
風一至根且拔矣景公辯其言曰語晏子曰使
是人反其國豈不為古之賢君乎晏子對曰不
然夫愚者多悔不肖者自賢溺者不問墜迷者
不問路溺而後問墜迷而後問路譬之猶臨難
而遽鑄兵噎而遽掘井雖速亦無及已

晏子使魯布事已仲尼以為知禮第二十一
晏子使魯仲尼命門子弟往觀子貢反報曰孰
謂晏子子貢習于禮乎夫禮曰登階不歷堂上不
趨授玉不跪今晏子皆反此謂謂晏子習于禮者
晏子既已有事于魯君退見仲尼仲尼曰夫禮
登階不歷堂上不趨授玉不跪夫子反此乎晏
子曰嬰聞兩楹之間君臣有位焉君行其一臣
行其二君之來邀是曰登階歷堂上趨君及位
也君授玉早故跪以下之且吾聞之大者不踰

閑小者出入可也晏子出仲尼送之曰賓客之禮不計之義維晏子為能行之

晏子之魯進食有豚亡二肩不求其人第二

十二

晏子之魯朝食進餽膳有豚焉晏子曰去其一肩晝者進膳則豚肩不具侍者曰膳豚肩亡晏子曰釋之矣侍者曰我能得其人晏子曰止吾聞之量功而不量力則民盡藏餘不分則民盜子教我所已改之無教我求其人也

曾子將行晏子送之而贈以善言第二十三
曾子將行晏子送之曰君子贈人以軒不若已言吾請已言乎以軒乎曾子曰請以言晏子曰今夫車輪山之直木也良匠揉之其圓中規雖有槁暴不復羸矣故君子慎隱揉和氏之璧井里之困也良工修之則為存國之寶故君子慎所修今夫蘭本三年而成湛之苦酒則君子不近庶人不佩湛之糜醢而賈匹馬矣非蘭本美也所蕩然也願子之必求所湛嬰聞之君子居

必擇居游必就士擇居所且求士求士所以辟
患也嬰聞汨常移質習俗移性不可不慎也

晏子之晉睹齊累越石父解左驂贖之與歸

第二十四

晏子之晉至中年睹弊冠反裘負芻息於塗側
者以為君子也使人問焉曰子何為者也對曰
我越石父者也晏子曰為至此曰吾為人臣何
僕於中年見使將歸晏子曰何為之僕對曰不
免凍餓之切吾身是召為僕也晏子曰為僕幾

何對曰三年矣晏子曰可得贖乎對曰可遂解
左驂以贈之因載而與之俱歸至舍不辭而入
越石父怒而請絕晏子使人應之曰吾未嘗得
交夫子也子為僕三年吾迺今日睹而贖之吾
於子尚未可乎子何絕我之暴也越石父對之
曰臣聞之士者誦乎不知己而申乎知己故君
子不以功輕人之身不為彼功誦身之理吾三
年為人臣僕而莫吾知也今贖我吾以子為子
知我矣嚮者子乘不我辭也君子為忘今之吾

晏子春秋卷五
不辭而入是典臣我者同矣我猶且為臣請鬻
於世晏子出見之曰嚮者見客之容而今也見
客之意嬰聞之省行者不引其過察實者不譏
其辭嬰可已辭而無棄乎嬰誠革之廼令糞灑
改席尊醮而禮之越石父曰吾聞之至恭不脩
途尊禮不受擯夫子禮之僕不敢當也晏子遂
以為上客君子曰俗人之有功則德德則驕晏
子有功免人于厄而反詘下之其去俗亦遠矣
此全功之道也

晏子之御感妻言而自抑損晏子薦以大夫

第二十五

晏子為齊相出其御之妻從門間而闕其夫為
相御擁大蓋策駟馬意氣揚揚甚自得也既而
歸其妻請去夫問其故妻曰晏子長不滿六尺
身相齊國名顯諸侯今者妾觀其出志念深矣
常有以自下者今子長八尺廼為人僕御然子
之意自以為足妾是以求去也其後夫自抑損
晏子恠而問之御新本官實對晏子薦曰為大夫

泯子牛見晏子晏子恨不盡其意第二十六
燕之游士有泯子午者南見晏子於齊言有文
章術有条理巨可臣補國細可以益晏子者三
百篇睹晏子恐慎而不能言晏子假之臣悲色
開之以禮顏然後能盡其復也客退晏子直席
而坐廢朝移晷在側者曰嚮者燕客侍夫子胡
為憂也晏子曰燕萬乘之國也齊千里之塗也
泯子午以萬乘之國為不足說臣千里之塗為
不足遠則是千萬人之上也且猶不能殫其言

於我况乎齊人滾善而死者乎吾所臣不得之
睹者豈不為矣然吾失此何之有也

晏子乞北郭騷米臣養母騷殺身臣明晏子
之賢第二十七

齊有北郭騷者結果固捆蒲葦織履以養其母
猶不足踵門見晏子曰竊說先生之義願乞所
臣養母者晏子使人分倉粟府金遺而之辭金
受粟有間晏子見疑于景公出犇過北郭騷之
門而辭北郭騷沐浴而見晏子曰夫子將焉適

晏子曰見疑于齊君將出犇北郭騷曰失子勉
之矣晏子上車太息而歎曰嬰之亡豈不宜哉
亦不知士甚矣晏子行北郭子召其友而告之曰
吾說晏子之義而嘗乞所以養母者焉吾聞之
養其親者身仇其難今晏子見疑吾將以身死
白之著衣冠令其友操劍奉而從造于君庭求
復者曰晏子天下之賢者也今去齊國齊必侵
矣方見國之必侵不若死請以頭託曰晏子也
固謂其友曰盛吾頭于笥中奉召退託而自刎

其友因奉託而謂復者曰此北郭子為國故死
吾將為北郭子死又退而又自刎景公聞之大駭
乘駟而自追晏子及之國郊請而反之晏子不
得已而反聞北郭子之以死白已也大息而歎
曰嬰之亡豈不宜哉亦愈不知士甚矣

景公欲見高糺晏子辭曰祿仕之臣第二十

八
景公謂晏子曰吾聞高糺與夫子遊寡人請見
之晏子對曰臣聞之為地戰者不能成其王為

祿仕者不能正其君高紕與嬰為兄弟久矣未嘗于嬰之行特祿仕之臣也何足以補君乎

高紕治晏子家不得其俗廼逐之第二十九高紕事晏子而見逐高紕曰臣事夫子三年無得而卒見逐其說何也晏子曰嬰之家俗有三而子無一焉紕曰可得聞乎晏子曰嬰之家俗間處從容不談議則疏出不相揚美入不相削行則不與通國事無論驕士慢知者則新不朝也此三者嬰之家俗今子是無一焉故嬰非特食

餽之長也是以辭

晏子居喪遜舍家老仲尼善之第三十

晏子居晏桓子之喪麤衰斬苴經帶杖管履食粥居倚廬寢苦枕草其家老曰非大夫喪父之禮也晏子曰唯卿為大夫曾子以聞孔子孔子曰晏子可謂能遠害矣不己之是駭人之非遜辭以避咎義也夫

晏子春秋內篇襍上第五

晏子春秋內篇襍下第六九三十一章

靈公禁婦人為丈夫飾不上晏子請先內

勿服第一

齊人好穀擊晏子給不祥而禁之第二

景公曹五丈夫稱無辜晏子知其寃第三

栢常騫襪為死將為景公請壽晏子議其

妄第四

景公成栢寢而師開言室夕晏子辨其所

召然第五

晏子春秋內篇

景公病水曹典日鬪晏子教占曹者呂對
第六

景公病瘍晏子撫而對之迺知群臣之野
第七

景公使吳吳王命儻者稱天子晏子詳惑
第八

晏子使楚楚為小門晏子稱使狗國者入
狗門第九

楚王欲辱晏子指盜者為齊人晏子對以

橘第十

楚王饗晏子進橘置削晏子不剖而食第
十一

晏子布衣棧車而朝陳桓子侍景公飲酒
請浮第十二

田無宇請求四方之學士晏子謂君子難
得第十三

田無宇勝欒氏高氏欲分其家要子使致
之公第十四

子尾疑晏子不受慶氏之邑晏子謂足欲則亡第十五

景公祿晏子平因典豪邑晏子願計三百以辭第十六

梁丘據言晏子食肉不足景公割地將封晏子辭第十七

景公以晏子食不足致千金而晏子固不受第十八

景公召晏子夜食弊薄使田無宇致封邑

辭第十九

田桓子疑景子何以舜邑晏子荅曰君子之事也第二十

景公欲更晏子宅晏子辭以近市傳所求諷公自刑第二十一

景公毀晏子隣以益其宅晏子因陳桓子以辭第二十二

景公欲為晏子築室於宮內晏子稱是已遠之而辭第二十三

景公曰晏子妻老且惡欲內受女晏子再拜以辭第二十四

景公以晏子乘弊早駑馬使梁丘據遺之三返不受第二十五

景公睹晏子之食菲薄而嗟其貧晏子稱其參士之食第二十六

梁丘據自患不及晏子晏子勉據曰常為常計第二十七

晏子老辭邑景公不許致車一乘而後止

第二十八

晏子病將死妻問所欲言云毋變爾俗第二十九

晏子病將死鑿楹納書命子壯而示之第三十

靈公禁婦人為丈夫飾不止晏子請先內勿服第一

靈公好婦人而丈夫飾者國人盡服之公使史禁之曰女子而男子飾者裂其衣斷其帶裂衣

斷帶相望而不止。晏子見公，問曰：「寡人使史禁女子而男子飾裂斷其衣帶相望而不止者，何也？」晏子對曰：「君使服之於內而禁之於外，猶懸牛首於門而賣馬肉於內也。公何以不使內勿服則外莫敢為也？」公曰：「善。」使內勿服，踰月而國莫之服。

齊人好穀擊，晏子給臣不祥而禁之，第二

齊人甚好穀擊相犯，臣為樂禁之不止。晏子患之，迺為新車良馬，出與人相犯也。曰：「穀擊者不

祥，臣其祭祀不順，居處不敬乎？下車而棄去之，然後國人乃不為。故曰：禁之以制而身不先行，民不能止，故化其心，莫若教也。

景公嘗五丈夫稱無辜，晏子知其冤，第三

景公畋於梧丘，夜猶早，公姑坐睡而夢有五丈夫北面韋廬稱無罪焉。公覺，召晏子而告其所。晏子對曰：「昔者先君靈公畋五丈夫，罟而駭獸，故殺之，斷其頭而葬之，命曰五丈夫之丘，此其池耶？」公令人

掘而求之則五頭同穴而存焉公曰嘻令吏葬之國人不知其膏也曰君憫白骨而況於生者乎不遺餘力矣不釋餘知矣故曰君子之為善易矣

栢常騫禳鳥死將為景公請壽晏子識其妄

第四

景公為路寢之臺成而不踊焉栢常騫曰君為臺甚急臺成君何為而不踊焉公曰然有梟昔者鳴聲無不為也吾惡之甚是君不踊焉栢常

騫曰臣請禳而去公曰何具對曰築新室為置白茅公使為室成置白茅焉栢常騫夜用事明日問公曰今昔聞鶡聲乎公曰一鳴而不復聞使人往視之鶡當陞布翬伏地而死公曰子之道若此其明亦能益寡人之壽乎對曰能公曰能益幾何對曰天子九諸侯七大夫五公曰子亦有微飛之見乎對曰得壽地且動公喜令百官趣具騫之所欲栢常騫出遭晏子于塗拜馬前辭騫曰為禳君鶡而殺之君謂騫曰子之道

若此其明也亦能益寡人壽乎騫曰能今且大
祭為君請壽故將往開晏子曰嘻亦善能為
君請壽也雖然吾聞之維以政典惠而順乎神
為可已益壽今徒祭可以益壽乎然則福地有
見乎對曰得壽地將動晏子曰騫昔吾見維星
絕樞星散地其動汝曰是乎栢常騫俯有問仰
而對曰然晏子曰為之無益不為無損也汝薄
栢母費民且無令君知之

景公成賦寢而師聞言室夕晏子辨其所以

然第五

景公新成栢寢之室臺使師開鼓琴師開左撫宮
右彈商曰室夕公曰何以知之師開對曰東方
之聲薄西方之聲揚公召大匠曰室何為夕大
匠曰立室曰宮矩為之於是召司空曰立宮何
為夕司空曰立宮以城矩為之明日子朝晏公
公曰先君太公以營丘之封立城曷為夕晏子
對曰古之立國者南望南斗北載樞星彼安有
朝夕哉然而以今之夕者周之建國國之西方

以尊周也公寤然曰古之臣乎

景公病水曹與日鬪晏子教占曹者以對第

六

景公病水臥十數日夜曹與二日鬪不勝晏子
朝公曰夕者夢與二日鬪而寡人不勝我其死
乎晏子對曰請召占曹者出於閭使人以車迎
占夢者至曰曷為見召晏子曰夜者公夢二日
與公鬪不勝公曰寡人死乎故請君占夢是所
為也占夢者曰請反其書晏子曰毋反書公所

病者陰也日者陽也一陰不勝二陽故病將已
召是對占夢者入公曰寡人曹與二日鬪而不
勝寡人死乎占夢者對曰公之所病陰也日者
陽也一陰不勝二陽公病將已居三日公病大
愈公且賜占夢者占夢者曰此非臣之力晏子
教臣也公召晏子且賜之晏子曰占夢以臣之
言對故有益也使臣言之則不信矣此占夢之
力也臣無功焉公兩賜之曰召晏子不奪人之
功以占夢者不蔽人之能

景公病瘍晏子撫而對之迺知群臣之野第

七 疽

景公病瘍在背高子國子請公曰職當撫瘍高子進而撫瘍公曰熱乎曰熱熱何如曰如火其色何如曰如未熟李大小何如曰如豆墮者何如曰如履辨二子者出晏子請見公曰寡人有病不能勝衣冠呂出見夫子夫子其辱視寡人乎晏子入呼宰人具盥御者具巾刷手温之發席傳薦跪請撫瘍公曰其熱何如曰如日其色

何如曰如蒼玉大小何如曰如璧其墮者何如曰如珪晏子出公曰吾不見君子不知野人之掘也

晏子使吳吳王命儻者稱天子晏子詳惑第

八

晏子使吳吳王謂行人曰吾聞晏嬰蓋北方辨千辭習于禮者也命儻者曰容見則稱天子請見明日晏子有事行人曰天子請見晏子蹙然行人反曰天子請見晏子蹙然又曰天子請見

晏子蹙然者三曰臣受命弊邑之君將使於吳
王之所以不敏而迷惑入於天子之朝敢問吳
王惡平存然後吳王曰夫差請見見之以諸侯
之禮

晏子使楚楚為小門晏子稱使狗國者入狗

門第九

晏子使楚以晏子短楚人為小門于大門之側
而延晏子晏子不入曰使狗國者從狗門入今
臣使楚不當從此門入僮者更道從大門入見

溜新案

楚王王曰齊無人耶晏子對曰臨淄三百閭張
袂成陰揮汗成雨比肩繼踵而在何為無人王
曰然則子何為使乎晏子對曰齊命使各有所
主其賢者使使賢王不肖者使使不肖王嬰最
不肖故直使楚矣

楚王欲辱晏子指盜者為齊人晏子對曰橘

第十

晏子將楚楚聞之謂左右曰晏嬰齊之習辭者
也今方新案吾欲辱之何以也左右對曰為其未

新案為字可疑

也臣請縛一人過王而行王者何為者也對曰
齊人也王曰何坐曰坐盜晏子至楚王賜晏子
酒酒酣吏二縛一人請王王曰縛者曷為者也
對曰齊人也坐盜王視晏子曰齊人固善盜乎
晏子避席對曰嬰聞之橘生淮南則為橘生于
淮北則為枳葉從相似其實味不同所以然者
何水土異也今民生長於齊不盜入楚則盜得
無楚之水土使民善盜耶王笑曰聖人非所與
熙也寡人反取病焉

楚王饗晏子進橘置削晏子不削而食第十

景公使晏子於楚楚王進橘置削晏子不削而
並食之楚橘新本註王曰當去削晏子對曰臣聞之賜
人主前者瓜桃不削橘袖不削今者萬乘無教
今臣故不敢削不然臣非不知也

晏子布衣棧車而朝田桓子侍景公飲酒請
浮之第十二

景公飲酒田桓子侍望見晏子而復於公曰請

浮晏子公曰何故也無守對曰晏子衣緇布之
衣麋鹿之裘棧軫之車而駕駑馬朝是隱君馬
之賜也公曰諾晏子坐酌者奉觴遣之曰君命
浮子晏子曰何故也田桓子曰君賜之卿位以
尊其身寵之百萬以富其家群臣其爵莫尊于
子祿莫重於子今子衣緇布之衣麋鹿之裘棧
軫之車而駕駑馬以朝是則隱君之賜也故浮
子晏子避席曰請飲而後辭乎其辭而後飲乎
公曰辭然後飲晏子曰君之賜卿位以尊其身

嬰非敢為顯受也為行君令也寵以百萬臣當
其家嬰非敢為當受也為通君賜也臣聞古之
賢君有受厚賜而不顧其困族則過之臨事守
職不勝其任則過之君之內隸臣之父兄若有
離散在於野鄙此臣之罪也君之內隸臣之所
職若有播之在於四方此臣之罪也兵革之不
完戰車之不修此臣之罪也若夫弊車駑馬以
朝意者非臣之罪乎且臣以君之賜父之黨無
不乘車者母之黨無不足于衣食者妻之黨無

凍餒者國之間士待臣而後舉火者數百家如此者為彰君賜乎為隱君賜乎公曰善為我浮無字也

田無字請求四方之學士晏子謂君子難得

第十三

田桓子見晏子獨立於墻陰曰子何為獨立而不憂何不求四鄉之學士可者而與坐晏子曰共立似君子出言而非也嬰惡得學士之可者而與之坐且君子之難得也若美山然名山既

多矣松柏既茂矣望之相相然盡目力不知厭而世有所美焉固欲登彼相相之上仡仡然不知厭小人者與此異若部婁之未登善登之無蹊維有楚棘而已遠望無見也說就則傷要惡能無獨立焉且人何憂靜處遠無見見歲若月學問不厭不知老之將至安用從酒田桓子曰何謂從酒晏子曰無客而飲謂之從酒今若子者晝夜守尊謂之從酒也

田無字勝欒氏高氏欲分其家晏子使致之

公第十四

欒氏高氏欲逐田氏鮑氏田氏鮑氏先知而遂
攻之高彊曰先得君田鮑安往遂攻虎門二家
召晏子晏子無所從也從者曰何為不助田鮑
晏子曰何善焉其助之也何為不助欒高曰庸
愈於被乎門開公君而入欒高不勝而出曰桓
子欲分其家臣告晏子晏子曰不可君不能飭
法而群臣專制亂之本也今又欲分其家利其
貨是非制也子必致之公且嬰聞之禁者政之

本也讓者德之生也欒高不讓以至此禍可毋
慎乎廉之謂公正讓之謂保德凡有血氣者皆
有爭心怨利生孽雜義可以為長存且分爭者
不勝其禍辭讓者不失其福子必勿取桓子曰
善盡致之公而請老于劇

子尾疑晏子不受慶氏之邑晏子謂足欲則

亡第十五

慶氏亡分其邑與晏子耶殿其鄙卒晏子弗受
子尾曰富者人之所欲也何獨弗欲利晏子對曰

新本作六十二字勿新本

慶氏之邑足欲故亡吾邑不足欲也益之以却
殿廼足欲足欲亡無矣日在外不得宰吾一邑
不受却殿非惡富也恐失富也且夫富如布帛
之有幅焉為之制度使無遷也夫生厚而用利
于是乎正德呂幅之使無黜慢謂之幅利利過
則為敗吾不敢貪多所謂幅也○或作晏子對
曰先人有言曰無功之賞不義之富禍之媒也
夫離治以求富禍也慶氏知而不行是以失之
我非惡富也諺曰前車覆後車戒吾恐失富不

敢受之也

景公祿晏子平陰典橐邑晏子願行三言呂

辭第十六

景公祿晏子呂平陰典橐邑及市者十一社晏
子辭曰吾君好治宮室民之力弊矣又好盤游
翫好以飭女子民之財竭矣又好興師民之死
近矣弊其力竭其財近其死下之疾其上甚矣
此嬰之所為不敢受也公曰是則可矣雖然君
子獨不欲富典貴乎晏子曰嬰聞為人臣者先

君後身安國而度家宗君而處身曷為獨不欲
富與貴也公曰然則曷以祿夫子晏子對曰君
商漁鹽關市譏而不征耕者十取一焉弛刑罰
若死者刑若刑者罰若罰者免若此三言者嬰
之祿君之利也公曰此三言者寡人無事焉請
以從夫子公既行若三言使人問大國大國之
君曰齊安矣使人問小國新燕小國之君曰齊不我
加矣

梁丘據言晏子食肉不足景公割地將封晏

子辭第十七

晏子相齊三年政平民說梁丘據見晏子中食
而肉不足以告景公且日割地將封晏子晏子
辭不受曰富而不驕者未嘗聞者善貧而不恨者
嬰是也所以貧而不恨者以若為師也今封易
嬰之師師已輕封已重矣請辭

景公曰晏子食不足致千金而晏子固不受

第十八

晏子方食景公使使者至分食食之使者不飽

晏子亦不飽。使者反言之。公公曰：「嘻！晏子之家若是其貧也。寡人不知是寡人之過也。使吏致千金典市租，請以奉賓客。」晏子辭，三教之。終再拜而辭曰：「嬰之家不貧。君之賜澤覆三族，延及交遊，以振百姓，君之賜也厚矣。嬰之家不貧也。嬰聞之，夫厚取之君而施之民，是臣代君君民也。忠臣不為也。厚取之君而不施於民，是為筐篋之藏也。仁人不為也。進取干君，退得罪于士，身死而財遷於它人，是為宰藏也。智者不為。」

也。十夫總之布，一豆之食，足於中，免矣。景公詰

晏子曰：「昔吾先君桓公以書社五百封管仲，不

辭而受。子辭之何也？」晏子曰：「嬰聞之，聖人于慮

必有一失，愚人于慮必有一得意者。管仲之失

而嬰之得者耶？故再拜而不敢受命。」

景公以晏子衣食弊薄，使田無宇致封邑。晏

子辭第十九

晏子相齊，衣十升之布，脫粟之食，五卯苔菜而已。左右以告公，公為之封邑，使田無宇致臺典

無鹽晏子對曰昔吾先君太公受之營丘為地
五百里為世國長自太公至於公之身有數十
公矣苟能說其君以取邑不至公之身趣齊墉
以求升土不得容足而寓焉嬰聞之臣有真益
祿無真退祿惡有不肖父為不肖子為封邑以
敗其君之政者乎遂不受

田桓子疑晏子何以辭邑晏子荅曰君子之
事也第二十

景公賜晏子邑晏子辭田桓子謂晏子曰君不歡

然典子邑必不受恨曰君何也晏子對曰嬰聞
之節受于上者寵長于君儉居處者名廣於外
夫長寵廣名君子之事也嬰獨庸能已乎

景公欲更晏子宅晏子辭曰近市得求諷公
省刑第二十一

景公欲更晏子之宅曰子之宅近市湫隘囂塵
不可以居請更諸爽壇者晏子辭曰君之先臣
容焉臣不足召嗣之於臣侈矣且小人近市朝
夕得所求小人之利也敢煩里旅公笑曰子近

市識貴賤乎對曰既竊利之敢不識乎公曰何
貴何賤是時也公繁于刑有鬻踊者故對曰踊
貴而屨賤公愀然改容公為是省于刑君子曰
仁人之言其利溥哉晏子一言而齊侯省刑詩
曰君子如祉亂無遘己其是之謂乎

景公毀晏子隣以益其宅晏子因陳桓子以
請第二十二

晏子使晉景公更其宅反則成矣既拜廼毀之
而為里室皆如其舊則使宅人反之且諺曰非

宅是十維隣是卜二三子先卜隣矣遠卜不祥
君子不犯非禮小人不犯不祥古之制也吾敢
違諸乎卒復其舊宅公弗許因陳桓子以請廼
許之○或作晏子使魯比其反景公為毀其隣
以益其宅晏子反聞之待於郊使人復于公曰
臣之貧頑而好大室也乃通於君故君大其居
臣之罪大矣公曰夫子之鄉惡而居小故為夫
子為之欲夫子居之臣慊寡人也晏子對曰先
人有言曰毋卜其居而卜其隣舍今得意於君

者慊其居則毋卜已沒氏之先人卜與臣隣吉
臣可以廢沒氏之卜乎夫大居而逆隣歸之心
臣不願也請辭

景公欲為晏子築室於宮內晏子稱是以遠
之而辭第二十三

景公謂晏子曰寡人欲朝昔見為夫子築室於
閨內可乎晏子對曰臣聞之隱而顯近而結維
至賢耳如臣者餘其容止以待承令猶恐非戾
也今君迫之是遠之也請辭

景公以晏子妻老且惡欲納愛女晏子再拜
以辭第二十四

景公有愛女謂嫁于晏子公迺往燕晏子之家
飲酒酣公見其妻曰此子之內子耶晏子對曰
然是也公曰嘻亦老且惡矣寡人有女少且姣
請以滿夫子之宮晏子違席而對曰乃此則老
且惡嬰與之居故矣故及其少而姣也且人固
臣壯託乎老姣託乎惡彼嘗託而嬰受之矣君
雖有賜可以使嬰倍其託乎再拜而辭

景公以晏子乘弊車駕馬使梁丘據遺之三返不受第二十五

晏子朝乘弊車駕馬景公見之曰嘻夫子之祿寡耶何乘不任之甚也晏子對曰賴君之賜得以壽三族及國游士皆得生焉臣得暖衣飽食弊車駕馬臣奉其身於臣足矣晏子出公使梁丘據遺之輅車乘馬三返不受公不悅趣召晏子晏子至公曰夫子不受寡人亦不乘晏子對曰君使臣臨百官之吏臣節其衣服飲食之

養召先國之民然猶恐其侈靡而不顧其行也今輅車乘馬君乘之上而臣亦乘之下民之無義侈其衣服飲食而不顧其行者臣無以禁之遂讓不受

景公睹晏子之食菲薄而嗟其貧晏子稱有

參士之食第二十六

晏子相景公食脫粟之食炙三弋五卍苔菜耳矣公聞之往燕焉睹晏子之食也公曰嘻夫子之家如此其貧乎而寡人不知寡人之罪也晏

子對曰。曰世之不足也。免粟之食飽士之一乞也。多三弋士之二乞也。五卯士之三乞也。嬰無倍人之行而有參士之食。君之賜厚矣。嬰之家不貧。再拜而謝。

梁丘據自患不及晏子。晏子勉據常為常行。

第二十七

梁丘據謂晏子曰。吾至死不及夫子矣。晏子曰。嬰聞之為者常成。行者常至。嬰非有異于人也。常為而不置。常行而不休者。故難及也。

晏子老。辭邑。景公不許。致車一乘而後止。第

二十八

晏子相。景公老。辭邑。公曰。自吾先君定公至今。用出多矣。齊大夫未有老。辭邑者矣。今夫子獨辭之。是致國之故。棄寡人也不可。晏子對曰。嬰聞古之事君者。稱身而食德。厚而受祿。德薄則辭。祿德厚。受祿所。曰明上也。德薄。辭祿。可以潔下也。嬰老薄無能。而厚受祿。是掩上之明。污下之行。不可。公不許。曰。昔吾先君桓公有管仲。恤

勞齊國身老賞之。呂三歸澤及子孫。今夫子亦相寡人。欲為夫子三歸澤。至子孫豈不可哉。對曰。昔者管子事桓公。桓公義高。諸侯德備。百姓今嬰事君也。國僅齊於諸侯。然積乎百姓。嬰之罪多矣。而君欲賞之。豈以其不肖父其不肖父。厚受賞。呂傷國民義哉。且夫惠薄而祿厚。知憎而家富。是彰污而逆教也。不可。公不許。晏子出。異日朝得問而入邑。致車一乘而後止。

晏子病將死。妻問所欲言。云。毋變爾俗。第二

十九


晏子病將死。其妻曰。夫子無欲言乎。子曰。吾恐死而俗變。謹視爾家。毋變爾俗也。

晏子病將死。鑿楹納書。命子壯而示之。第三

十

晏子病將死。鑿楹納書。而謂其妻曰。楹語也。子壯而示之。及壯。發書之言曰。布帛不可窮。窮不可飾。牛馬不可窮。窮不可服。士不可窮。窮不可任。國不可窮。窮不可竊也。

晏子春秋内篇錄下第六



文化甲戌



